

太乙

太乙統宗

太乙統宗

RAKE

BOOK

Cha


7.2

V.10

太乙統宗寶鑑卷之二十

○五福太乙

五福太乙者上天助福之神所臨分野四十五年無
兵革盜賊饑饉疾疫死喪之灾在天十五年風調雨
順四時合序八節安和在地十五年山生美玉地產
靈芝在人間十五年世出英傑民安國富安享太平
此星若臨在人身命日時值者有五福一曰壽二曰
富三曰康寧四曰攸好德五曰考終命有此五福主
為人聰明負不世之才立非常之事在丑為祿庫申
為科名辰為入廟辛壬得之為天元祿主之星六辛



大壬在旺方值之身命日時者天資聰明神悟學術
精微才秀器宏功業超著為國之柱石世之標格惟
忌寅卯二宮為陷

五福如何福

難為一槩稱

五行從水木

十千喜辛壬

要守時無日

宜臨命與身

太陽為入廟

武德主科名

唯顯祿逢丑

惟災為卯寅

有人還得用

富貴兩全人

五福與君基同宮在辰丑申亥

君基五福若同纏

丑未辰宮坤及乾

無剋無形無惡曜

斷他富貴兩雙全

五福與君基同宮遇吉星輔

君基同宮吉宿助 文必清華處台輔

武須英烈主封侯 餘則臺郎有州路

五福三基同宮在旺運限逢之

五福三基同旺地 一生富貴得雙全

遊年運限相逢着 倉庫金銀祿位遷

五福三基文昌同居旺有一二位凶星同宮在

申丑辰亥

文昌五祿過三基 庫廟相逢五福隨

文章顯秀豐財祿 旗施廟驅勒虎鯨

五福與三基小遊客大將在旺宮

若會三基五福全文章高大職榮遷

小遊客大同臨旺烈士封侯將相權

五福與君基同臨旺宮逢二三位凶星同宮

五福君基同一位凶星來臨端可畏

文不清高武不彰四方旺處須凶退

五福始擊

五福旺申丑辰巳
始擊旺寅午戌巳

五福始擊若相合但看旺相凶不雜

始擊旺相王福衰一生未免塵埃壓

王福在陷宮

五福喜臨旺 陷宮非所宜 若臨疾厄位
解散却輕微

五福在寅卯宮

若臨寅卯貧且殘 更兼碌碌少妻奴

始擊同臨無破退 可怜身死不同居

同居是全臨也

五福臨女人身命及夫宮

身命并夫位 逢之必有名 吉神仍輔佐

邑誦有餘稱

五福臨身最福多 閨門若遇果如何

若非壽考安寧福 邑誦當封一品科

卷之二十一
三
○ 君基太乙

君基太乙此星在紫微宮上事天皇上帝執主較量
天地人之萬事所臨分野無兵革盜賊主人民豐稔
國土安寧若在四柱身命宮乃世間賢輔科名巍峨
官職清顯出群異衆位列台衡若與凶星同宮必主
旺中有失不然亦須作遁世神公超逸遐舉四柱相
犯則發福年月上初三日上中主時上末主發福與
主大將同宮主兵權與文昌計神同宮綴木入廟亦
主館閣之貴

正君基旺在午未辰戌寅丑巳

命為初主 身為末主 運限逢之發福

君基寅午戌為玄 官居一品最為先
切忌陷害并妻妾 枉費勞心在市塵

君基臨四柱身命位

年月初主發福 日上中生發福

時上末主發福 命宮初主 身宮末主

四柱身宮及命宮 若值君基旺位逢

年月初主日中主 時名未限利名通

君基五福同入廟 辰戌未

君基五福同入廟 名播寰中正少年

列位封侯未之榮 台輔崇高非久到

君基旺與五福同宮

君基次五福 端冕事天皇 甲巳為星主

縱魁入廟堂 標名龍虎榜 擇善事君王

富貴人間罕 千倉及萬箱

君基在旺鄉與臣民基文昌五福同宮

君基太乙恐難逢 入廟富時祿位崇

更得吉星相輔座 定知終久作三公

君基臨日時居旺見文昌主參

日時最喜見君基 更值文昌同位推

三參君來同旺位 兵符坐擁握旌旗

君基與文昌計神小遊主大二參將在身命宮

君基文昌與小遊 三參扶持福何憂

或身或命同宮得 不作三公定作侯

君基與文昌計神同在官祿宮

君基文昌命清貴 更得計神藏超異

有名有利得雙全 科第名高三品貴

君基與文昌計神臣基在戌宮

君基在戌及身宮 一動何憂利與名

天目計神同照處 當繼館閣得清榮

君基臨四柱身命居陷位或空亡刑戰之地

君基四柱臨身命空陷刑衝凶宿併

男為僧道女尼姑溪壑林泉飽清興

君基同小遊主參在申酉

君基小遊在金鄉平生災蹇豈能當

損子剋妻多破祖可伶奔走受悽惶

君基與始擊同宮

此二星同宮名曰掩擊所臨分野則有悖逆不臣之人暴起兵革殺戮人民流血千里若人生身命日時四柱逢之有強項孤僻之性防小人生陰謀害物凶

灾

君基始擊同一位

掩擊凶灾端可畏

若逢身命限同臨

處世須防凶惡輩

○小遊太乙

小遊者乃木是也太乙之監將旺於東方在亥為科
名未為祿庫寅為入侍卯為入廟若順理之則風調
雨順四時合序八節安和民安國富若逆與四神太
乙天乙地乙飛符始擊同宮即主風雨不時冬起雷
雷夏有霜雪兵革攻戰殺戮人民流血千里生灾離
散人多瘁死若主在人身命宮乘旺地與文昌三基

相合主學業精微才術通敏文明疏達功業超著負
不世之才立非常之事遇天乙同宮無吉宿合照乃
刀筆之吹日貴或虛名文而不秀之格旺亥卯未寅

小遊臨亥主科名 廟在高嚴堂在寅

與命與身天目助 不勞餘力作公卿

小遊與五福同在旺宮亥丑

言神照處人當旺 多出英靈俊麗人

帶得騎牛生貴子 多應間拔立功名

小遊與君基文昌計神同在旺宮寅亥

君基小遊與文昌 旺地逢之不易量

更得臨身并臨命 唯文唯武福舒長

小遊與臣基同在旺宮人君福助寅亥辰戌

巨基小遊同旺地 德惠規模人所承

更有吉神來朝助 學術早登科第名

小遊與三基在旺宮亥卯未寅

形刑神清言所為賢 特達超群地上公

主客二將相併處 不為臺諫掌兵權

小遊與民基同在旺宮亥未

已貴資旺財 那堪逢吉神 須因貴人力

還有祿來真

小遊同五福在惡絕宮

五福雖成福 不宜卯酉中 未日金所剋

土到敗中存 家業久須破 零落見飄蓬

雖然無橫撓 終是費精神

小遊與君基同在惡絕宮

為文不秀 為武不烈 妨妻害子 衣食或缺

小遊與臣基同在惡絕宮

伶仃一世 剋陷雙親 更防惡逆 死不全身

小遊與文昌民基同在惡絕宮

有生多偃蹇 失志或顛狂 不逢伴賢境

終防木石傷

小遊與飛符太乙同在惡絕宮

巳酉申

小遊飛符四神同 人逢孤獨豈堪論

婦人貪亂多淫佚 男兒帶酒主妻奔

小遊臨陷宮

申酉巳

小遊臨陷定無情 愛酒貪花返自刑

縱有吉神來救助 妻須娼婦子螟蛉

文昌太乙

文昌者此星名天目吉星土神也其星在紫微垣直
文昌館秀氣所鍾詞翰華顯若在人身命宮居旺鄉

或四柱逢之主文明俊達飛英秀傑識性宏遠學文
該博凝成氣清包含仁義無窮之德負經綸不世之
才歷清顯之任京為入廟更見五福必有三公之位
見君基少年顯赫見臣基榮顯早遂見民基富貴雙
全見計神及館閣之貴五馬之榮見主大則為文武
帥臣見客大多歷邊任忌與小遊同宮雖有間世文
章不免塵埃縱遂科名終恐旺中剥落見始擊文而
不秀見四神太乙則秀而不顯

文昌一格貴人星 清顯科名竟出身

金馬玉堂應有路 少年平步入青雲

文昌入廟亥

文昌入廟須臨亥 必出英雄秀麗人

五福君基相助處 以文為武作公卿

文昌運限相逢於旺宮

主有科名喜申丑辰亥

文昌自是文章貴 頭角崢嶸居上第

行年數運若相逢 騰播揚名盈海內

文昌與小遊四神太乙併刑戰之地主文兩不

秀多為吏曹

水木土當刑戰地 動作多為姦詐謀

不為曹吏持刑憲 定作狂儒居下流

文昌陷寅卯子

文昌虛詐薄有名

平生好善老無成

縱有言神來佐輔

官資始得又還停

○主大將

主大將者此星屬金在巳為科名酉為入廟丑為入
侍其神乘大將之威有生殺之權掌禁密侍衛之職
為天誦令神若在人四柱身命宮居旺鄉則文士主
高科名武主將臣之列為性英雄果敢志節魁奇英
雄而建國安邦武勇而破軍衝陣知謀莫測機見宏
深與君基同宮王侯之貴與臣基同宮帥臣之命與

民基同宮武臣之命文昌計神同宮文武全才英傑
之命唯此星能制始擊之凶若在巳午不能制也忌
太乙天乙地乙飛符同宮主少年貧賤而後貴若四
柱身命重犯主死軍陣更與始擊飛符在巳午之宮
主死不全屍人命犯者多我門食祿受命之格

主大屬金喜從軍邊隅談笑統全師

剪除禍亂平姦寇主國安邦鎮四夷

主將不可犯威生申酉中與天為彌令

居世主英雄福協君基輔威加始擊臨

旺宮文計助文武兩全功

主大將臨旺宮得吉星輔酉巳入廟丑入

天權掌握令非常立國安邦定四方

運數相逢須驟發文清武貴職封王

主大將與君基同旺宮巳酉丑

金神主大將偏喜見君基旺地相逢着

公侯亦可為

主大將與臣基同旺宮巳酉丑

主大與臣基相逢全旺時鯢貅戎騎衆

統帥獨施為

主大將臨午戌位

金神主將躡天樞

旺地逢之貴有餘

火局相逢時運值

訟爭連累病纏軀

○計神太乙

計神者土星也乃居計之宿太乙之燭籠也此星能
量天地人間之萬事在朝為度支郎在路為轉運在
人為財寶星若在人四柱身今日時值者不克陷無
凶星同宮與君基同宮館閣之貴與小遊同宮與法
之貴主大將同宮師帥之貴客大將同宮邊帥武將
之貴忌與始擊飛符太乙天乙地乙同宮主文而不
秀財物聚散有虛名計較思慮至老勞心不成也

太乙天機宿

在天名計神

遊行忌寅卯

旺喜申子辰

畲計發財祿

為人多計恩

逢凶文不秀

遇吉屈西伸

稟性多思慮

一生無險迫

旺臨身與命

豈得等閑人

旺辰戌丑未

計神旺位主清高

文居館閣武英豪

仕路出群須有赫

當親日月近丹霄

計神與凶星居陷相克刑戰

計神畲計多財祿

更會文昌館閣清

切忌凶星來克陷

科名一世總虛成

計神在寅卯見小遊客參二星

計神得地多良策 若遇凶星枉丹心

萬事到顯無一得 空勞計較費精神

○始擊太乙

始擊此星者太始初分便有其神火星凶神也乃元
始擊搏之位其神上帝所畏常令三大將霸之東出
曰彗星西出曰孛星南出曰始擊北出曰太乙中央
出曰伐星在寅名為科名午為入廟戌為火庫寅為
入侍巳為次旺戌癸生人火元祿主之星所臨分野
兵戈盜賊殺戮人民流血千里若在人身命宮男淫

女娼男女必主血光男遭殺戮女主產亡四柱若犯
父母破傷深則克父淺則母亡若正臨之早離父母
幼失祖基若運數逢之主暴亡更值刑戰之地必主
見血刑傷或癰疽膿血之厄若在四柱身命與君基
同宮主心好僭偽作事無羈必雷法死與臣基同宮
多招公府之撓亦主牢獄中死與民基同宮主因財
而死與客大同宮主消渴而死小遊同宮主悖逆而
死死不全屍文昌同宮被人傷害而死計神同宮主
被人傷殺或遭盜賊所害與主參同宮主為奴婢所
傷害客參同宮主被人陰謀而死數運同飛符併會

限星克戰交會天壽其年主暴亡惟戊癸生人值之
者更此項為福戊癸生人值此星於寅上者為科
名清貴驟發權祿在午上者兩府之貴在戌上者為
天財廣厚祿之貴惟忌凶星同宮旺中有儒失之
撓乙庚生人平生宜修福禳之

乙庚生人值之於陷位

一元分太極

擊搏得為名

上帝畏亦重

九州災不輕

須防身命值

更忌日時臨

恃勢情多慾

血光終汚身

凶深除九疾

禍淺克雙親

數限相逢著

終為泉下人

始擊旺寅午戌巳

炎炎寅午戌 始擊喜臨之 才學高千古

科名振一時 中能安百揆 外可統全師

戊癸天元主 扶持更合宜

戊癸生人值之寅午戌巳運

戊癸相逢大庫間 不同南極亦高官

珠金潤屋田疇盛 數運相逢見不難

此星照胎月生時或徧

若逢時日胎氣別 三歲已前親早絕

若逢寄養外家人 必是螟蛉母為妾

始擊飛符照臨時日

或星更忌日時居子息臨時似有無

若非婦人真寡婦若推男子是鰥夫

始擊飛符主壽夭

日時相衝人切忌日時衝年壽不長

行行凶處逢凶殺便是常人到死鄉

始擊飛符照臨時主妨害父母於幼年破祖

基於未立又須詳所交時深淺定之

欲知父母如何克飛始同為天地賊

深則害父淺則母若正犯之俱難得

甲己五歲無十五 丙辛一六從頭取

乙庚四六是真文 戊癸二七天機露

丁壬三八正陰陽 便有支辰數同取

子午為九丑未八 寅申七踊卯酉六

辰戌為五巳亥四 此是先賢行數之

始擊與飛符同宮有吉星在旺

四柱三基五福高 自然名利兩相饒

飛符始擊又臨照 不是螟蛉定不遙

始擊居旺逢客火或太乙星

戊癸生人逢始擊 巳午戌寅成貴職

若逢客大四神臨 旺處生年得處失

此星與君基在身命日時位

君基始擊掩為凶 豈可與人犯命宮

借偽無羈不成事 炎炎不久值霜鋒

此星與臣基在身命宮日時位

始擊臣基在命宮 可伶撓撓定官刑

甚則幸為困圖苦 終當凶死不全身

此星與民基在身命宮日時巳酉丑

始擊與民基 相逢身命時 須防財物上

索絆致傾危

與小遊在身命宮卯酉

小遊始擊怕相逢 何況人臨身命宮

定是為人多悖逆 不知國法犯刑終

與文昌在身命宮子卯申

始擊凶星發動灾 況同天乙向人來

莫道親知為膠漆 中間謀慮亦相猜

與計神同宮亥子丑

始擊本來凶 那堪見計神 謀人人返害

難保善終身

與主參同宮

始擊與主參 同宮非所宜 須防奴婢害
非橫與臨之

與客參同宮

始擊客參將 不宜同度逢 陰謀相害事

決向小人成

始擊飛符犯婦人身命宮

生逢飛始妨夫位 定是於夫必有傷
往往與人為別室 不全夫子本非良

● 客大將

客大將者言星也此星乃水神也其神在申為科名

子為入廟辰為入侍加亥為旺宮此神有討伐之勇
定亂之功與主大將分權治事主勝則利主客勝則
利客與始擊同宮則戰若乘旺鄉則勝若人生身命
日時值者四方人得之多作商賈平生剛烈正直多
暴失然丙辛生入值之主功業超著勢位榮顯與小
遊同宮深謀遠慮智識不凡羽翹聖人之德消除禍
亂之威計神同宮多生謀臣或掌禁密之任與始擊
同宮主破祖身孤多招官府之撓與四神太乙天一
地一飛符同宮主男孤女寡不利六親平生偃蹇多
成多敗與君基同宮則為將帥侍君之人與臣基同

宮則為安鎮守邊之人與民共同宮主因商姓人發
福必為大商巨富之命若與五福同宮居旺則是神
公應運之人也女人犯之乃受彌邑重封貴福兩全
之命

外帥本屬水 於人福丙辛 太陽當入侍

武德主科名 遠慮參監將 深謀協計神

三基玉福助 貴顯立功名

申子辰宮本旺宮 丙辛人值福修崇

深謀遠慮人難測 定亂除姦別有功

客大將同五福在旺申子辰亥

五福客大將 喜同申子辰 自天鍾秀氣

從嶽降元精 賢帥日時起 真命應運成

財豐享富貴 臨命與臨身

客大將與飛符同宮在旺

為性果敢 心雄剛烈 性異神符 富貴駟發

客大與民基主參在申子辰亥未

民基同亥子 當作富家郎 試問因何得

經營必有商

客大與四神太乙天乙地乙飛符始肇同宮居

陷在巳丑

凶神相刑克 當從地旺尋 破家何所有

強項不堪親 數被官刑撓 頻逢禍患侵

吉神不得運 偃蹇過平生

客大居陷宮 逢飛符始擊卯巳午

水星客太名天帥 若陷衰宮有災滯

男遇須防陰小傷 女犯配聲透中外

○ 臣基太乙

醜

臣基太乙者吉星也此星在紫微宮輔於上帝乃上天六宮之長下管二十八宿幹旋造化之機執持威福之柄若在人身命宮日時值者不克陷無凶星同

宮則貴極人臣常親帝座主為人純厚謹信聰明正
直持權衡之柄掌造化之機在戌為入廟六巳人得
之為祿主星若在人身命宮秉超擢之氣道德聰明
抱不世之才立非常之事平夷冲粹忠恕簡靜為世
之賢人始末無患忌與四神太乙天乙地乙飛符同
宮主文而不秀旺中防失

旺辰戌申卯

臣基科名申卯戌 顯達功勳事業深

唯忌奴婢并妻妾 空勞塵土禍頻侵

臣基乘旺在身 命日時

臣基乘旺自奇身 命宮喜值吉神臨

綠錦侍從不勞得 貢郎鄉監未為榮

臣基在戌臨身命日時

臣基太乙臨陰主 更作人生身命宮

克限俱無全得用 清華出入禁庭中

臣基四神太乙等星同宮

臣基太乙若見四神太乙天乙文昌始擊地一同宮
臨身命日時者主有橫逆之性若同宮乘旺則為福
若居陷宮逢戰克主有歇滅之災縱有五福若基相
助亦主旺中有失禍福倚伏先吉後凶發旺之中欲

出未出禍患不可逃矣大忌小遊太乙

臣基發福四神累好限須防欲出時

縱有吉星來并會也須旺處慮傾危

○民基太乙

民基太乙者吉神土星也民基乃小微上天十神之
長太乙之祿星也在辰為入廟六戊生人為祿之主
星若在人身命四柱逢之者金玉滿堂財祿俱盛寅
卯二宮為陷

民基雖不利功勳積玉堆金亦自榮

記取百年安快樂更無身命有虛名

民基金王主虛名 旺在中辰子亥中

若得祿前卯酉位 可憐零落受孤貧

民基與文昌計神同宮辰未亥子

民基乘旺日時安 若見文昌宜作官

更有計神同臨照 資財廣入起家門

民基臨田宅宮

民基自是旺田宅 何況正臨田宅位

大第高堂稱所居 田疇徃徃膏腴地

○四神太乙

四神太乙者水星凶神也所臨分野主水滂之灾或

作丘阜饑饉若在人身命宮主財物聚散多招官府
之撓或值水厄主孤獨凶夭仍多歇滅更與文昌地
一同宮主凶厄非橫在旺鄉或身命見三基亦主財
穀官爵居不久長安寧

四神可畏是凶神 福祿消亡禍患侵

縱有吉神來救助 也須九破十番成

四神太乙與五福同在旺宮 申子辰亥

五福四神在旺宮 日時身命數相逢

不因羽姓人發福 定發魚鹽水利中

四神太乙與君基在旺宮遇文昌計神巨基

君基同在亥子丑 穎悟聰明亦希有

文昌計神與臣基 皆可扶持爵祿厚

四神太乙同民基在旺宮

四神同亥子 當作富家郎 亦可食天祿

經營必有商

四神與君基文昌小遊計神同在旺宮

神行

四神同旺鄉 水利豈能良 那更吉神助

行船衣祿強

四神同五福在惡絕宮

寅戌酉

之神臨土位 寧免作災殃 縱有兒孫見

臨年亦可詳

四神同飛符臨生時帶刑有五福三基同在旺宮

四神飛始更無刑 處世須招禍患侵
五福三基來救助 看他衰旺定災速

四神同飛符帶刑在生時

四神太乙在生時 飛符臨刑禍可知

未說將來非橫厄 中年徒配必逢危

四神與臣基在惡絕宮

卯酉巳

水神畏土克 臣基奚所為 有生多泛濫

處世之災厄 女子情偏溢 男兒色亦迷

隄防脾胃腎 財穀也消虧

四神同君基飛符在惡絕宮

亥子

陰謀校計多滯慾 不利行船作水災

更主遭刑逢刃死 都緣飛符命宮來

四神與民基在惡絕宮

祖業何能有 流落異鄉中 奴僕猶為遠

窮途受苦辛

○四神天乙

天乙者金星也所臨分野主暴兵殺戮人民流血千

里若在人身命日時值者破祖身孤平生蹇滯更與
飛符同宮主恃逆僭偽身死不全屍滅其宗族若與
三基五福同宮居旺或因商姓人成或曰兵革發福
然富貴終不久長

人間最苦是孤身 天乙生來命怕居

縱有祖業多破散 可怜終日守窮途

生逢天乙無祿靠 衣祿從來不自亨

不作傭人求度日 亦須得贅作偷生

天乙與五福同在旺宮 申丑辰

五福天乙臨旺位 日時身命數相際

不自商姓起門庭 定是五金興厚利

天乙與君基主大計神同在旺宮 申酉丑

富貴之家主此身 必令財寶富商人

主大又來逢旺地 定因征戰得身榮

天乙與民基同在旺宮

民基與天乙 當生豪富家 吉神同一照

福厚保生涯

天乙臨刑殺

四神天乙命難當 若更臨刑主血光

不是獄中憔悴死 定須刀劍陣前亡

天乙五福同在惡絕宮

五福與天一

炎炎巳午存

胞胎先失父

襁褓亦離親

強項徒勞教

貪心不濟貧

何須問榮辱

難保一生身

天乙與君基飛符始擊同在惡絕宮

巳午未

存心多躁暴

作事每猜疑

飛始同一照

難保一全屍

天乙與臣基在惡絕宮

寅上尤甚

盜賊當為念

灾速不離身

更須防惡逆

身死在公門

天乙同臣基在巳午

天乙畏南方 須招肢體傷 更須防帶殺

一死定非常

飛符太乙

飛符者火星也所臨分野主火光旱涸之灾千里草
木不生兵革攻戰殺人流血若人身命日時值者破
祖身孤克妻害子重犯乃孤身之命若見四神太乙
客大將主消渴之疾更會凶星死不全屍縱有五福
三基為助但免貧窮困苦富貴終不久長無主稟性
剛暴不受擊觸或肢體不完無召暗疾六親少助女

人犯之多主血光之厄損夫害子犯身命宮主血氣
疾

祖基破盡緣何事 為有飛符入命宮

更有吉神來救助 伶仃一身離祖窮

飛符凶殺值災危 破祖離家東及西

飄蓬未必為凶兆 生離死喪兩三妻

飛符臨身命宮

飛符太乙極凶神 身命逢之不可論

妨妻害子多損失 老來徃徃少兒孫

飛符照身命

飛符凶曜旺宮臨

六乙生人身命逢

縱然離破終無害

假饒破過亦能豐

飛符臨曰柱身命宮日時

祖基離背身飄蕩

因值飛符臨命上

克妻損子鴈行離

疾病官災更惆悵

飛符臨日時

飛符凶宿忌相逢

怕臨時日最為凶

子女滿堂君莫喜

老來徃徃摠成空

飛符照運

飛符照運之應凶

金木凶兮火土輕

運數行年逢著處 定生災病及官刑

飛符臨亥子宮

資財聚散一成空 年月日時怕屢逢

饑餓為奴終乞食 飄蓬無倚泛西東

陰謀計較多淫態 不利行船作水災

更有一盤鋒刃死 都緣飛符命中來

飛符與玉福在旺宮臨身命日時巳午

巳午還同五福居 日時身命數相需

不日爐冶成家業 徵姓之人借力扶

飛符與君基在旺宮 午未戌寅也

心性聰敏獨超群 冠世文章立大名

食祿不同常調貴 以文為武著功勳

飛符臨旺位與三基同宮

寅午戌巳

飛符旺地與三基 文武雙全將相期

仕路功勳須聚發 四方英傑富豪兒

飛符臨辰午未主財福兩全

飛符若處高強地 獨遇民基為富貴

忽然君符併同躔 超騰必作人間瑞

飛符民基在旺宮

午未辰

民基為福助 旺地見飛符 縱不成清顯

須還品職居

飛符同五福在惡絕宮

卯月于

五福臨身福壽長 怕逢凶殺在裏鄉

資財分散無定準 老來飄泛更難當

飛符同君基在惡絕宮

亥子

君基為福最飛符 亥子之方有似無

更有凶星同作孽 祖宗雖遠亦防誅

飛符與巨基同在惡絕宮臨身命

卯酉

孤獨只一身 奔波受苦辛 女須遭產厄

男子亦防刑

飛符同五福天一在陷宮

亥子

五福天一及飛符發福多因大貴扶

始擊同臨兼自陷平生衣祿定區區

飛符通天一始擊同臨身命日時逢巳午申酉無吉宿助

飛符巳午逢天乙又值炎炎始擊神

四柱更無君福助輕遭徒配重遭刑

飛符始擊照時定幼年妨害

欲知幼子妨并克飛始臨時為準則

吉曜同臨初末傷獨照生時父娘厄

若然無克必螟蛉必是當年庶出得

無克得生非外姓 定是自身差時刻

飛符臨婦人身命四柱居陷位 亥子卯酉

飛符名誦天極星 切忌陰人身命宮

損子克夫猶禍淺 更防血氣損胎娠

○ 四神地乙

地乙者土星也所臨分野主飛蝗疾疫之灾若在人
身命日時值者主克妻害子男鰥女寡若與小遊計
神同宮主平生身染沉痾衣不蓋形食不充口或兵
刃刑獄癰疽見血而卒主稟性自強好行殺戮不仁
不義若見三基五福却主曰貴人或名終不久長

地乙臨身命宮日時值陷 寅卯酉

地乙凶神性不和 好行殺戮逞干戈

人生若值臨身命 蹇滯孤寒無奈何

四神地乙最凶悍 身命逢之定有患

若非抱疾身不完 當須縲綫常索絆

地一同五福在旺宮

五福還同地一居 日時身命數相逢

絲綿穀粟須陶事 宮姓之人借力成

地一與君基文昌計神同在戌丑午未亥

以重機深不浪施 規模法則士中奇

計神天目同為力 鎮守邊陲亦可為

地一與臣基同在旺宮 申子辰亥

姓好山林寄有生 孤高梗命獨難侵

文昌若更同臨照 食祿清榮亦顯名

地乙與民基在旺宮見文昌 申子辰

富貴人難學 文章孰與論 文昌來共助

承陰顯家門

地一臨寅卯宮

若逢地一向東行 不顧言辭是玷痕

為事牽張無所著 一生勞碌向空門

地一與五福在寅卯二宮

五福同地一 不宜居卯寅 土居木旺地

犯者最難論 生身宜婢妾 命遇作螟蛉

敗祖失先業 破家亡六親 男子從率伍

女人落風塵 父母須先死 身家非久榮

吉神來救助 有分落空門

地一與君基在惡絕宮 寅卯

適值君基同寅卯 為人梗槩不堪親

登山涉水防顛仆 癰腫浮災終及身

地一與臣基在惡絕宮 寅卯

巨基同寅卯 墳塚不能存 必致煎熬死
終為貧賤人

地一與小遊在惡絕宮

土神也忌傷寅卯 那便同行遇小遊
強項難親多自伐 終身衣祿苦難求

地一與飛符同在惡絕宮亥子位卯酉尤甚
四神地一主離鄉 更值飛符大不祥
家業自然多敗破 終身不免路頭亡

● 主參將

主參將者吉星副帥也其神屬水旺於北方申辰之

位若人身命日時四柱值者主遇貴成名發福成家
之命大忌與太乙天乙飛符始擊同宮乃下賤輕浮
僕隸

其神乘旺地 必賴貴人成 凶神同犯破
作卒定為軍

主參祿附貴人成 成祿成財顯貴名

切忌凶神同度照 旺中必失得中傾

主參福力本來輕 乘旺須當附貴人

若遇凶神同克陷 為奴盜賊亦無情

● 客參將

客參將者吉星副帥也屬木旺於東方亥卯未辰位
若人四柱身命犯之多作商賈或因遊藝發福旺處
與吉星同宮則因大貴人提挈或富室相成為幹吏
以成名掌財而獲福若與太乙主大天乙始擊飛符
文昌同宮乃泛濫飄蕩不能自立若獨與始擊同宮
居陷乃乞丐之人也

客參福力輕 何況會凶神 衣食苦勞力

區區俯仰久 好則為商旅 奔馳作福人

凶神如犯破 決定一生貧

太乙衆星照限遊年歌

○五福太乙旺申辰丑亥

五福遊年限數逢 求名求利所謀成

徵音商姓貴相薦 男領進職女加逢

此星居旺照限能解遊年凶曜灾

惡曜遊年必作灾 損財官訟主悲哀

限差此星來入照 灾憂消散吉還來

此星居旺宮臨遊年限運同

福星臨限與遊年 運數逢之亦亦然

官祿驟遷財祿順 常人若遇喜連綿

此星居旺臨遊年照限逢君基

遊年五福旺宮臨 照限君基又復逢
更遇吉星無戰克 所謀萬事總能成
與三基同在旺宮運限逢之

五福三基同旺地 一生富貴得雙全
遊年運限相逢着 倉庫金銀祿位遷

此星居陷宮行遊年運限逢凶宿 寅卯

五福居限逢凶宿 灾病相逢不可逃
凶宿不逢還自陷 求謀縱巧亦徒勞

○君基太乙旺辰戌丑未

君基入照遊年限 進用求謀無阻難

徵商金水貴人扶 縱有憂驚不為患

此星行遊年限居旺能解凶曜彌紫微帝忌食牛

九天星主紫微君 解厄蠲灾免禍侵

縱有凶星同作孽 假饒重病亦須輕

紫微北極九天尊 人命難逢身命中

儻若命宮臨照者 大牢戒食免灾速

與五福文昌臣基民基主大客大行遊年限旺居

君基行限與遊年 吉宿同扶必進權

女子逢之姪娘喜 常人財祿入家添

與始擊同行遊年限主遭小人生暗昧是非相陷

君始相逢名掩擊 運限若逢灾禍速

小人陷害設陰謀 非橫風波平地出

○小遊太乙旺亥卯未寅與三基同會照遊年限

小遊木德科名宿 若會三基發厚祿

文士科場高甲榮 仕位崢嶸成發福

陷巳午申酉主灾病 撓損失財物

小遊木德天樞宿 若陷裏宮灾禍速

分野逢之謠語生 人犯破財遭病哭

此星限逢君基臣基地乙

照限遊年逢小遊 解凶解厄解灾憂

若逢土窟來相會 是非爭訟變成愁

此星遇文昌

小遊旺處遇文昌 木土相傷定發殃
不作戰爭唇吻撓 定生脾胃患疽瘡

此星與飛符始擊照遊年限

小遊照限或遊三 飛始相逢太乙躔
女子陰私訟撓 男須姦濫事牽連

文昌太乙旺申酉丑辰亥

運限遊年過鎮星 臨於旺地所謀亨
徵音商姓貴人薦 文是高科顯貴陞

文昌吉宿誦三台 運限逢之解大災

士貴陞遷財祿順 女子及育向身來

此星居旺更與吉宿同照限

文昌照限主高科 寰海揚名喜氣多

青瑣黃門台輔位 從茲發軔沒風波

此星居旺與主客二將同宮行遊年限

文昌屬土名天目 二將同宮亨變速

文須古學得科名 武烈戎行進權祿

女人逢之於日時身宮照遊年

姿貌天質性識聰 天然智巧好義容

限入旺鄉娠孕喜 更兼庭戶喜重重

女人逢之主娠孕無則主災

遊年限照遇文昌 旺地逢之解禍殃

女主娠孕庭戶吉 不然却主病相妨

○主大興客大同行遊年限主旺巳酉申亥客旺申亥

主將遊年逢客將 主旺客衰堪主張

忽然客旺主美衰 破財多撓多惆悵

陷寅午主外服公訟撓連累事

輔相金星主將明 乙庚人值所謀成

切忌臨於寅午位 災憂官訟服來侵

與始擊照遊年限

三將遊年逢始擊 金火相驢添愁戚

若非爭訟因圖灾 必見凶憂膿血疾

計神太乙旺辰戌丑未陷寅卯

計都財寶天機宿 獨處旺宮發財祿

常人值此進財榮 仕貴若逢增貴福

與三基文昌行遊年限

計神面計掌財穀 遊限往來旺地逢

內掌國儲財用之 外膺漕總計兵戎

與天一太一飛符始擊同行遊年限主不聚財

計神旺位臨身命 最忌凶星入限來

財物蹤逢須破散 可憐朝得暮空回

○始擊太乙 旺寅午戌陷亥子卯酉戊癸人遇

之名祿星甲己丁壬乙庚大忌丙辛人尤甚

戊癸人逢始擊神 功名利祿自然成

乙庚人遇居衰陷 服忌官災齟齬生

與君基同行遊年限主遭小人生暗昧是非相陷

君始相逢名掩擊 限數若逢災禍速

小人陷害設陰謀 非橫風波平地出

與飛符同行遊限

遊年飛始忽相逢

官符悲哀觸處凶

不犯忿爭須鬪歐

定應身陷網羅中

與地一同宮主水厄更會天一客大主溺水亡

始擊為凶逢地一

舟楫風波防墜失

更逢凶宿陷衰宮

一墮津濤更難覓

客大將旺申子辰亥丙辛生人成福

客大將宜名水宿

旺地逢之發財祿

丙辛人過最為奇

衰陷空宮不成福

陷巳酉午寅主小人是非陰人為撓

客大將軍誦水星

忌臨巳午酉寅申

遊年穀運相臨着 小人陰撓訟遂生

與始擊同行遊年限

客大一名天師星 忌逢始擊限同行

客旺擊衰灾少減 擊強客弱十分凶

● 臣基太乙旺辰戌申

臣基乘旺吉星臨 發福財豐顯貴名

限入旺鄉名利遂 徵商人薦必身榮

陷亥子寅

臣基居陷多憂慮 吉曜同臨虛名譽

男過躊躇猶豫深 女犯猜嫌多疾妬

此星與君基民基文昌計神同照或陷逢

臣基冢宰帝邊尊 旺處成財表則凶

若會吉星同旺位 四民逢着所謀亨

此星與小遊太乙二星遊年限相逢

臣基位掌權衡地 小遊四神忌相會

遊年限數若同行 口舌灾憂脾胃滯

與民基文昌計神小遊若基四神同居限

貴星吉曜同限位 若值凶星福難遂

性雖巧智定聰明 男必伶倫女唱妓

此星同陷更會太乙天一地一飛符始擊同行

遊年限

臣基居陷逢凶宿 數限相逢生禍速

官刑孝服病來臨 破職破財無喪服

○民基太乙旺辰未亥子

民基臨限與遊年 旺處行來祿聚遷

出入經商俱遂意 宮商角姓貴人憐

民基照限或遊年 獨處強宮少禍憊

商賈倍收財祿喜 仕途即日爵增遷

此星臨寅卯逢小遊地一客大飛符始擊竹遊

年限

民基本是財帛星 限逢寅卯事多迷

更若逢午值凶宿 損財灾病禍叢生

此星日時身命逢惡曜於限宮

數中財帛民基宿 日時身命逢為福

若同惡曜陷衰宮 成敗施為多反復

○天乙 旺申子辰亥文武加職四方發財

天乙遊年卯酉寅 定應飄泛路途行

旺處行來逢吉曜 却宜商販利豐盈

陷寅卯巳午酉防水厄宜身動出入吉

星名天乙遊年值 切忌陷衰炎火地

更逢凶宿限同行 舟楫防驚災患至

天一總括

天一星來命怕居 六親骨肉有如無

林泉却喜為僧道 市廛名利獨區區

旺巳酉丑申主成財成事喜防小人為害

金星入限添愁感 齟齬乖張事不寧

巳酉丑申成利祿 言論猶須防小人

陷寅午戌

天軀遊年限難逢 臨於午戌及寅宮

破財官訟并非橫 孝服悲哀病染身

此星旺與五福君基民基文昌同遊年限

天祿金星勢焰雄 旺宮吉宿喜同行

遊年限數相逢處 戰征爭鬪獲全功

與主大將同行遊年限

天一金星不可當 獨行旺位始為良

若逢主大同遊限 互爭紛鬪有相傷

●飛符太乙戊癸火命運限遊年逢之宜出入旺

寅巳午戌陷亥子

飛符行限主灾速 戊癸人逢福祿臻

仕貴陞遷權祿順 常人出入貨財豐

此星居旺逢五福君基文昌同遊年限

天極遊年限數逢吉曜同臨值旺宮

陰處成名成厚福戰征獲捷得全功

此星戊癸生人逢之灾輕宜出入勤吉女人犯之主灾病

炎炎天極踊飛符數運逢之在路途

身懷出入灾猶減靜處閨門防禍憂

飄泛離鄉猶禍淺陷身囹圄更嗟吁

此星女人逢之則見身孕可當灾

運限相逢天極神女人逢着定灾生

身懷出入灾猶蹇 靜處閨門防禍侵

○地一旺辰戌丑未

地一逢之彌土星 臨於旺地主權名

掌持財計兵刑職 更逢商徵貴人成

又彌權星

地一遊年限數逢 獨臨旺位利名亨

行商坐販皆如意 多招權祿少灾迍

陷寅卯巳午酉防跌磕閃胸

地一遊至行限數 巳午卯寅生禍患

是非口舌及官刑 貶祿驚憂財物散

○主參將 旺申子辰亥 文武加職文書喜

○客參將 旺亥卯未 常人發財成事喜

二參福力雖微眇 吉曜同行財祿豐

出入經商倍獲利 若文若武得高陞

遇飛符始擊太一天一地一民基主身動出入

吉

二參福祿本來輕 惟喜遊年併吉星

若向陷宮逢惡曜 飄蓬破散病來侵

客參臨陷宮逢飛符主流浪

客參居陷遇飛符 衣食奔波豈有餘

總有吉星來救助 也須飄蕩在長途

○運限

五福 文昌 計神 始擊 小遊 主符大 客符大

君基 臣基 天乙 地乙 飛符 主符客符 客符

論流年守照命星以本命數加一羅起

男一羅 二土 三水 四金 五太陽 六火

七計 八太陰 九木

女一羅 二火 三木 四太陽 五土 六計

七太陰 八金 九水

太乙統宗寶鑑卷之二十終

